



*Kamis, 11 Maret 2021*  
**Ogen: Perngandungen 3: 26-28**



**Megenggenglah**



*Untuk bersabar, diperlukan sikap ikhlas sebab situasi yang terjadi jelas tidak seperti yang diharapkan/diinginkan.*

Oratenta sendah nuriken kerna Jeremia nuratken ungkapan kecedan ate, kesusahen emosionalna bas runtuhna Jerusalem. Iturikenna maka melala kal si ceda subuk fisik bagepe psikis: keruntuhen si erbanca mela kesusuren Daud, penghancuren tembok-tembok kota Jerusalem bagepe bangsa e si ibaba guna itaban ku Babil. Bage me sangatna rawa Dibata e, maka isuratken i bas ayat 17-18 "Enggo lupa aku uga mejuah-juah, uga dame, uga malem ate. Lanai aku ndekah nggeluh, pengarapenku nandangi Tuhan enggo bene."

Selaku pemimpin bangsa, Jeremia la putus asa tapi tetap ngajuk bangsa e guna erpengarapen nandangi Tuhan. Guna tetap megenggeng amin gia situasi tempa-tempa la memungkinan guna erpengarapen. Tapi ia berjuang uga gelah Bangsa e tetap tek maka Dibata nampati ia dengen mulahi ia i bas tanah perkawanan e.

Emaka madin kita megenggeng (ay. 26), janah ulin erlajar megenggeng (ay. 27) bagepe kundul si sada alu megenggeng (ay. 28) kai si enda ertina kerina? Ertina sigegehi pe labo kita ngasup. Sebab Dibata kap si mada kuasa, si mada kegeluhenta dengen ngaturken penampat man manusia i bas waktuNa.

Selaku moria, siulihlah kiniteken Jeremia, si megenggeng i bas ngalaken persoalen nggeluh. Igejapna maka Dibata kal ngenca ingan nuriken kerina kecibal geluh, IA ngenca ngasup nampati. Kalak si megenggeng, gejakenna kemalemen ate, tambah kesabarenna ndalani kegeluhen. Erkiteken megenggeng kita ngidah cara Dibata nampati kita bas perbebenta nari. Kai pe perbebenta sendah, mari tetap sisaksiken maka kita moria si megenggeng. Tuhan mpengasup kita.



*[The main body of the page is a large, blank white area with a wavy top edge, intended for writing.]*